

"ТАСДИҚЛАНГАН"
“Худудий электр тармоқлари” АЖ
барча овоз берувчи оддий акциялари
Ягона акциядорининг
2023 йил 11 августдаги
13/11-5-сонли қарори билан

“ХУДУДИЙ ЭЛЕКТР ТАРМОҚЛАРИ” АКЦИЯДОРЛИК
ЖАМИЯТИНИНГ ДИВИДЕНД СИЁСАТИ
ТЎҒРИСИДАГИ НИЗОМ

Тошкент – 2023й.

МУНДАРИЖА

I. УМУМИЙ ҚОИДАЛАР	3
II. ДИВИДЕНДЛАР МИҚДОРНИ ВА ХИСОБЛАНИШИНИ БЕЛГИЛАШ ТАРТИБИ.....	5
III. ДИВИДЕНДЛАРНИ ТЎЛАШ МУДДАТЛАРИ ВА ТАРТИБИ	6
IV. ЭЪЛОН ҚИЛИНГАН ДИВИДЕНДЛАРНИ ТЎЛАНИШИ БЎЙИЧА ЖАВОБГАРЛИК	7
V. АХБОРОТНИ ОШКОР ҚИЛИШ ТАРТИБИ	8
VI. ЯКУНИЙ ҚОИДАЛАР.....	8

I. УМУМИЙ ҚОИДАЛАР

1. Ушбу Низом Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни, “Ҳудудий электр тармоқлари” АЖнинг (Кейинги ўринларда - Жамият) Устави ва Акциядорлик жамиятларининг самарадорлигини ошириш ва корпоратив бошқарув тизимини такомиллаштириш бўйича Комиссиянинг 2015 йил 31 декабрдаги 9-сон мажлиси баённомаси билан тасдиқланган Корпоратив бошқарув Кодексига мувофиқ ишлаб чиқилган.

Мазкур Низомда Жамиятнинг дивиденд сиёсатида акс эттирилиши ва ва ошкор этилиши лозим бўлган масалалар келтирилган.

2. Жамиятнинг дивиденд сиёсати акциядорларнинг фаровонлигини ва Жамият капиталлашуви даражасининг оширилишига қаратилган.

Мазкур Низом акциядорлар ва бошқа манфаатдор шахсларни Жамиятнинг дивиденд сиёсати тўғрисида хабардор қилишга йўналтирилган ва Жамият Кузатув кенгашининг акциялар бўйича дивидендлар миқдори ҳамда уларни тўлаш тартиби бўйича тавсиялар ишлаб чиқишга ёндашувини белгилашга мўлжалланган.

Агарда Жамият акциядорларига дивидендлар тўлаш билан боғлиқ масалалар Ўзбекистон Республикасининг Қонунлари ва норматив-ҳуқуқий ҳужжатлари, Жамият устави ва ушбу Низом нормалари билан тартибга солинмаган бўлса, унда ушбу масалалар акциядорларнинг ҳуқуқ ва манфаатларини таъминлаш заруратидан келиб чиққан ҳолда хал этилиши керак.

3. Мазкур дивиденд сиёсати 2022-2026 йиллар даври учун ишлаб чиқилган бўлиб, Жамият ушбу даврда дивидендлар тўлаш учун Кузатув кенгаши томонидан тавсия этилган миқдордан кўп бўлмаган миқдорда маблағ ажратади.

4. Жамият ўз капиталлашув даражасининг ошишини акциялардан даромад олишда акциядорларнинг мулкӣ манфаатларини қондиришнинг асосий усули деб ҳисоблайди.

Дивиденд сиёсатининг асосий мақсади бу Жамият акцияларининг бозор қийматини ошириш мақсадида Жамият томонидан олинган фойданинг истеъмол қилинадиган ва капиталлаштириладиган қисмлари ўртасидаги нисбатни оптималлаштиришдан иборат.

5. Жамиятнинг дивиденд сиёсати қуйидаги асосий тамойилларга асосланади:

Дивиденд сиёсатини амалга оширишда иштирок этувчи томонларнинг мажбуриятлари ва жавобгарликлари, шу жумладан дивиденд тўлаш ва миқдори бўйича қарор қабул қилиш тартиби ва шартлари тўғрисидаги маълумотларни белгилаш ва ошкор этишни англаувчи шаффофлик тамойилига;

Дивидендларни тўлашда муддатларни белгилашни назарда тутувчи ўз вақтидалик тамойилига;

Дивидендларни тўлаш ва миқдори тўғрисида қарор фақатгина Жамиятнинг ҳақиқий молиявий ҳолатидан келиб чиққан ҳамда ривожланиш режалари ва инвестиция дастурларини ҳисобга олган ҳолда ижобий молиявий натижага эришган тақдирдагина қабул қилиниши мумкинлигини кўрсатадиган асослантурув тамойилига;

Дивидендлар миқдори ва уларни тўлаш тартиби бўйича қабул қилинган қарорлар тўғрисида акциядорларнинг маълумот олишда тенг ҳуқуқларини таъминлашни назарда тутувчи адолатлилик тамойилига;

Дивиденд сиёсатининг тартиб ва тамойиларини қатъий амалга оширишни назарда тутувчи изчиллик тамойилига;

Корпоратив бошқарув тартиб-қоидаларини яхшилаб бориш доирасида дивиденд сиёсатини доимий равишда такомиллаштиришни ва Жамиятнинг стратегик мақсадларидаги ўзгаришлар муносабати билан унинг қоидаларини қайта кўриб чиқишни назарда тутувчи ривожланиш тамойилига;

Жамиятнинг дивидендлар тўлашнинг барқарор даражасини таъминлашга интилишини билдирувчи барқарорлик тамойилига.

6. Жамиятнинг жойлаштирилган акциялари бўйича дивидендлар тўлаш тўғрисида қарор қабул (эълон қилиш) қилиш акциядорларнинг умумий йиғилиши ҳуқуқидир. Акциядорларнинг умумий йиғилиши акциялар бўйича дивидендлар тўлаш ёки тўламаслик тўғрисида қарор қабул қилишга ҳақли.

7. Эълон қилинган дивидендларни тўлаш Жамиятнинг мажбурияти ҳисобланади.

Дивидендларни тўлаш билан боғлиқ харажатлар (шу жумладан солиқларни ҳисоблаш ва ушлаб қолиш, дивидендларни ўтказиш) дивиденд олувчи акциядорнинг зиммасига юклатилиши мумкин эмас. Жамият ушбу мажбуриятни бажармаганлиги учун акциядор олдида Ўзбекистон Республикасининг амалдаги қонунчилигига мувофиқ жавобгар бўлади.

8. Қуйидаги акциялар бўйича дивидендлар ҳисобланмайди ва тўланмайди:

жойлаштирилмаган акциялар бўйича;

Жамиятнинг ўзи томонидан қайтариб сотиб олинган акциялар бўйича;

Ўзбекистон Республикасининг қонун ҳужжатларида назарда тутилган бошқа ҳолларда.

9. Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 54-моддаси биринчи қисмида назарда тутилган ҳолларда Жамият акциялар бўйича дивидендлар тўлашга ва тўлаш тўғрисида қарор қабул қилишга ҳақли эмас.

II. ДИВИДЕНДЛАР МИҚДОРНИ БЕЛГИЛАШ ВА ҲИСОБЛАШ ТАРТИБИ

10. Жамият молиявий йилининг биринчи чораги, олти ойи, тўққиз ойи ва молиявий йил якунлари бўйича акциялар бўйича дивидендлар тўлаш (эълон қилишга) тўғрисида қарор қабул қилишга ҳақлидир (ушбу низомнинг 8-бандида кўрсатилган ҳолатлар бундан мустасно).

Молиявий йилининг биринчи чораги, олти ойи, тўққиз ойи ва молиявий йил якунлари бўйича акциялар бўйича дивидендлар тўлаш (эълон қилиш) тўғрисидаги қарор тегишли давр тугаганидан кейин уч ой ичида қабул қилиниши мумкин.

Дивидендлар Жамиятнинг соф фойдасидан ва (ёки) Жамият тасарруфида қолдирилган ўтган йилларнинг тақсимланмаган фойдасидан тўланади. Бунда дивидендларни ўз вақтида тўлаш ва дивидендлар тўлаш учун маблағларнинг айланмадан олиб қўйилиши муносабати билан Жамиятнинг молиявий ахволи ёмонлашишига йўл қўймаслик мақсадида Жамият фойдаси ҳисобидан умидсиз дебиторлик қарзлари бўйича захира ташкил этилиши мумкин.

11. Жамият акциядорларининг умумий йиғилиши ҳар бир тоифадаги акциялар бўйича дивидендлар тўлаш (эълон қилиш) тўғрисида қарор қабул қилади. Жамият Кузатув кенгаши акциядорларининг умумий йиғилишига акциялар бўйича дивидендлар миқдори ва уларни тўлаш тартиби бўйича тавсиялар беради. Дивидендлар миқдори Кузатув кенгаши томонидан тавсия этилганидан ортиқ бўлиши мумкин эмас.

12. Акциядорларининг умумий йиғилишининг дивидендлар тўлаш (эълон қилиш) тўғрисидаги қарорида қуйидагилар белгиланиши керак:

Дивидендлар тўланадиган (эълон қилинадиган) акцияларнинг тоифаси (тури);

маълум турдаги ҳар бир акция учун дивиденд миқдори;
дивидендларни тўлаш муддати, тартиби ва даврийлиги.

Бунда Жамият қонун ҳужжатларида белгиланган ҳолларда ва шунингдек акциялар бўйича дивидендларни қонун ҳужжатларида белгиланган муддатларда тулиқ тўлаб бериш имконияти мавжуд бўлмаган ҳолларда дивидендларни ҳисоблаш (тўлаш) бўйича қарор қабул қилишга ҳақли эмас.

13. Акциядорларининг умумий йиғилишига тавсия этиладиган дивидендлар миқдори Кузатув кенгаши томонидан қуйидаги омиллардан келиб чиқиб, белгиланади:

ишончлилиги аудиторлик хулосаси билан тасдиқланган молиявий ҳисоботдаги соф фойда миқдоридан;

Жамиятнинг кейинги даврлар учун молиявий-иқтисодий режаларидан;
тегишли давр охиридаги Жамиятнинг айланма маблағлари таркибидан;
тегишли давр охиридаги Жамиятнинг қарздорлик юки миқдоридан.

14. Тавсия этилаётган дивидендлар миқдорини белгилашда Кузатув кенгаши Жамиятнинг кейинги даврлар учун молиявий-иқтисодий режаларини ҳамда Жамиятнинг айланма маблағлари ва мажбуриятларининг жорий ва истиқболли ҳолатини ҳисобга олиши керак. Бунда Жамият Акциядорларининг умумий йиғилишига Кузатув кенгаши томонидан тавсия этилаётган дивидендларни тўланиши Жамият томонидан қўшимча қарз маблағлари ёки кейинги даврлар учун тасдиқланган молия-хужалик режасида назарда тутилмаган бошқа харажатларни жалб қилишга олиб келмаслиги керак.

III. ДИВИДЕНДЛАРНИ ТЎЛАШ ТАРТИБИ ВА МУДДАТЛАРИ

15. Жамият дивидендларни нақд пул ёки бошқа қонуний тўлов воситалари ёки Жамиятнинг қимматли қоғозлари билан тўлайди.

16. Дивидендларни тўлаш тартиби ва муддати Жамият акциядорларининг умумий йиғилиши қарори билан белгиланади, лекин тўлаш муддати акциядорларининг умумий йиғилиши қарори қабул қилинган кундан бошлаб 60 кундан ошмаслиги керак.

17. Агарда дивидендлар Жамиятнинг айби билан акциядорларининг умумий йиғилиши қарори томонидан белгиланган муддатларда тўланмаган тақдирда, акциядор томонидан Марказий банк тарафидан белгиланган қайта молиялаштириш ставкасидан келиб чиққан ҳолда пеня ўндирилиши мумкин. Тўлаб берилмаган дивидендлар бўйича пеня миқдори ушбу тўланмаган дивидендлар суммасининг 50 фоизидан ошмаслиги керак.

18. Жамиятнинг акциядорлар билан ишлашни ташкил этиш ва олиб бориш функцияларини бажарувчи таркибий бўлинмаси Жамиятнинг бухгалтерияси билан биргаликда Жамият томонидан ушбу Низомда назарда тутилган дивидендларни тўланишини ташкил этиш бўйича тадбирларни амалга оширади.

19. Акциядорлар акциялар бўйича дивидендлар миқдори, дивидендларни ҳисоблаш ва солиққа тортиш тартиби, дивидендларни тўлаш шартлари тўғрисидаги маълумотларни тақдим этишни сўраб Жамиятга мурожаат қилишга ҳақли.

20. Жамиятнинг ҳар бир акциядори ўзига тегишли акциялар бўйича дивиденд олиш ҳуқуқига эга.

21. Единственный акционер обязан своевременно информировать Центральный депозитарий ценных бумаг, оказывающий услуги по учету прав на его акции, об изменениях своих данных. В случаях не предоставления акционером информации об изменении своих данных Центральный депозитарий, оказывающий услуги по учету прав на его акции, не несет ответственности за причиненные акционеру в связи с этим убытки.

22. Агар акциядор ўзининг банк реквизитларини ёки дивидендларни ўтказиш манзилини нотўғри кўрсатган бўлса ёки ушбу реквизитлар тўғрисида

Жамиятни хабардор қилмаса ёки улар ҳақида ўз вақтида хабар бермаса Жамият акциядорга етказилган зарар учун ёки дивидендларни тўлаб бераолмаганлиги жавобгар бўлмайди. Акциядорнинг айби билан ушбу бандда кўрсатилган сабабларга кўра нотўғри реквизитлар ёки манзиллар бўйича ўтказилган дивидендлар суммалари Жамиятга қайтарилганидан сўнг дивидендларни тўғирлаб кўрсатилган реквизитлар бўйича акциядорга қайта ўтказишда уларни қайтариб олиш ва қайта юбориш билан боғлиқ харажатлар чегириб ташланади.

23. Жамият акциядорга тегишли бўлган акциялар бўйича даромад тўлашда солиқ агенти ҳисобланади ва ҳисобланган дивидендларни амалдаги қонунчиликда белгиланган солиқларни чегириб ташлаган ҳолда тўлайди. Стандарт солиқ ставкалари қўланилмаслиги керак бўлган акциядор Жамиятга Ўзбекистон Республикасининг амалдаги қонунчилигида белгиланган тасдиқловчи ҳужжатларни тақдим этади.

IV. ЭЪЛОН ҚИЛИНГАН ДИВИДЕНДЛАРНИ ТЎЛАНИШИ БЎЙИЧА ЖАВОБГАРЛИК

26. Жамият ҳар бир турдаги акциялар бўйича эълон қилинган дивидендларни тўлаши шарт.

27. Дивидендларни тўлашда акциядорларнинг ҳеч бири тўлов муддатлари бўйича устунликка эга эмас.

28. Жамият ижро органи Жамият акциядорларига дивидендларни тўлик ва ўз вақтида тўлаб берилиши учун жавобгардир. Ижро органининг дивидендларни тўлик ва ўз вақтида тўлаб бериш харакатлари устидан назоратни Жамият Кузатув кенгаши амалга оширади.

29. Ҳисобланган дивидендларнинг тўланишини таъминлаш мақсадида Кузатув кенгаши ўз мажлисларида дивидендларни тўлаш жараёни тўғрисидаги масалани кўриб чиқади. Жамият ижро органининг айби билан дивидендлар тўлик тўланмаган ёки ўз вақтида тўланмаган тақдирда, Кузатув кенгаши айбдор шахсларнинг жавобгарлигини белгилайди ва уларга нисбатан тегишли жазо чораларини қўллайди.

30. Жамият ўз мажбуриятларини бажармаган тақдирда акциядорлар ҳар бир турдаги акциялар бўйича эълон қилинган дивидендларни суд тартибида тўлашни талаб қилишга ҳақли.

31. Жамият зимаасига солиқ агентининг дивидендлар бўйича солиқ суммаларини ушлаб қолиш ва ўтказиш бўйича юкланган мажбуриятларни бажармаганлиги ёки лозим даражада бажармаганлиги учун Жамият Ўзбекистон Республикасининг қонун ҳужжатларига мувофиқ жавобгар бўлади.

V. МАЪЛУМОТЛАРНИ ОШКОР ЭТИШ ТАРТИБИ

32. Мазкур Низом ва шунингдек унга киритилган ўзгартириш ва қўшимчалар Жамият акциядорларининг тегишли умумий йиғилишининг баённомаси имзоланганидан сўнг ўн кун ичида Жамиятнинг расмий веб-сайтида эълон қилинади.

33. Акциядорларининг умумий йиғилиши томонидан дивидендлар тўлаш тўғрисида қарор қабул қилинганда Жамият қонун ҳужжатларида белгиланган муддатларда муҳим фактлар тўғрисида хабарнома шаклида маълумотларни ошкор қилади.

VI. ЯКУНИЙ ҚОИДАЛАР

34. Мазкур Низом ва унга киритилаётган ўзгартириш ва қўшимчалар акциядорларининг умумий йиғилиши қарори билан тасдиқланади.

Мазкур Низомга ўзгартириш ва қўшимчалар Жамият Кузатув кенгаши ва Ижро органининг таклифига биноан киритилади.

35. Агар ушбу Низомнинг баъзи бир бандлари Ўзбекистон Республикасининг амалдаги қонунчилигига ва/ёки Жамият Уставига зид бўлса, ушбу моддалар ўз кучини юқотади ва ушбу моддалар билан тартибга солинадиган масалалар ушбу Низомга тегишли ўзгартиришлар киритилгунга қадар Ўзбекистон Республикасининг амалдаги қонунчилиги ва /ёки Жамият Уставидаги меъёрлар билан тартибга солинади.